



## IV GOVERNO CONSTITUCIONAL

### SECRETARIA DE ESTADO DO CONSELHO DE MINISTROS

---

#### KOMUNIKADU BA IMPRENSA

#### **Soru-mutu Konsellu Ministrus loron 18 fulan Fevereiru 2009**

Konsellu Ministrus hala'o sorumutuk ohin Kuarta-feira, loron 18 fulan Fevereiru tinan 2009, iha Sala Sorumutuk Konsellu Ministrus nian, Palásiu Governo Díli, no aprova tiha ona:

##### **1. Proposta Lei Governu Lokál**

Husi Proposta Lei ida ne'e, hakarak atu defini Podér Lokál ho baze iha prinsípiu desentralizasaun. Iha lejislasaun Governu Lokál, kontempla tiha ona estrutura, pozisaun governu nian, atribuisaun funsaun, podér reseita no nia ligasaun ba Governu.

##### **2. Proposta Lei Eleitorál Munisipál**

Bainhira órgaun soberania no podér lokál, hili liu husi eleisaun, hafoin estabese tiha munisípiu, sira tenki hala'o iha munisípiu hotu-hotu iha Timor-Leste. Proposta Lei ida ne'e, mosu tanba prezisa lei ida própriu atu regula eleisaun ba titulár munisipál sira ho forma rezumida, lolós tuir realidade paíz nian no kompleta iha nia fundamentu.

##### **3. Dekretu-Lei ne'ebé altera Rejime Avaliasaun ba Dezempeñu Traballadór**

###### **Administrasaun Públika**

Alterasaun dahuluk kona-ba rejime avaliasaun ba dezempeñu traballadór Administrasaun Públika sira nian, mosu hahú prosesu avaliasaun dezempeñu.

Nune'e, prezisa ajusta prazu avaliasaun no pontuasaun atu atribui ba funcionáriu sira iha prosesu. Avaliasaun dezempeñu sei hala'o tinan-tinan no sei hato'o, tuir pontuasaun ne'ebé mak hetan, ho mensaun "Muitu bom" (33 ka pontu liu tan), "Bom" (pontu 24 to'o 32)," Suficiente" (pontu 15 to'o 23) no "Insuficiente" (to'o pontu 14)

##### **4. Impaktu Krize Finanseira Mundiál**

Hato'o mos númeru balu ne'ebé refere kona-ba krize iha Estados Unidos. Hahú kedas fulan Setembru tinan 2007 mak banku barak fraku iha finansiamentu, osan millaun dólar hodi tulun sistema bankáriu, instituisaun finanseira barak mak prezisa tulun osan kapitál. Koalia kona mós ba kolapsu sistema bank'ariu iha Estados Unidos no iha Zona Euro, aumentu dezempregu (ne'ebé iha persentajen boot iha tempu ikus ne'e) nune'e mós kona-ba aspetu krize ne'ebé mak sei afeta.

- Likidés no Kapitál

- Esportasaun (sei menus)
- Estabilidade folin (monu)
- Haruka sasan (iha keda atu haruka sasan emigrante sira nian)

Halo análise ba pontu hirak ne'e hotu, hodi haree mós oinsá sei reflète iha merkadu Aziátiku.

### **5. Objétivu Dezenvolvimentu Miléniu ba Timor-Leste**

Iha tinan 2000, iha United Nations Millenium Summit, Xefe Estadu 147 no Estadu 189 konkorda ho objetivu Dezenvolvimentu Miléniu. Ida ne'e koalía liu-liu iha dezenvolvimentu umanu no iha to'o tinan 2015 atu apresenta sinál kresimentu, Hanesan nasaun ida ne'ebé foun liu iha mundu, Timor-Leste hetan konvite atu alkansa objetivu ida ne'ebé, restu seluk, sei apresenta iha liña hanesan kona-ba dezenvolvimentu nasional. Nune'e, Repúblika Demokrátika Timor-Leste, teinki hakbit' an atu alkansa indikadór hirak tuir mai:

- Halakon kiak no hamlahak;
- Fó garantia ba direitu hotu-hotu, hanesan eskola primária;
- Halo promosaun iha igualdade jéneru no kbit feto nian;
- Hamenus mortalidade labarik nian;
- Kombate HIV/SIDA, malária no moras seluk;
- Ambiente sustentável (saneamentu báziku no bee moos);
- Dezenvolvimentu estratejia, ho apoiu husi paíz dezvoltidu, atu harí empregu.

Aspektu hirak ne'e sei permite ba Timor-Leste atu dezenvolve no haburas, laós de'it iha ekonomia maibé mós iha kultura.

### **6. Apresentasaun Opsaun Política Lejislativa ba rezolusaun kestaun Terra no Propriedade iha Timor-Leste**

Ministériu Justisa, liu husi despaxu nia Ministra, forma grupu traballu ne'ebé iha ona objetivu apresentasaun dokumentu ida estratéjiku iha solusaun política lejislativa. Dokumentu ida ne'e, sei serve hanesan baze eleborasaun ba proposta ida "Lei das Terras" atu submete ba Konsellu Ministrus atu hetan aprovasaun no tuir mai sei submete ba Parlamentu Nasionál.

Grupú ida traballu ida ne'e apresenta tiha ona, forma resumida, opsaun política ba rezolusaun kestaun terra no propriedade hodi bazeia ba pragmatismu, iha adaptasaun ba realidade Timorensé, iha prátika internasionál diak, enkuadramentu istóriu, justisa, ezikibilidade, defeza komérsiu jurídiku no seguransa no serteza jurídika.